



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ  
ՀՐԱՄԱՆ

No 1833- ՄԳ

«14» սեպտեմբերի 2023 թ.

ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐԻ 8-ՐԴ  
ՂԱՍԱՐԱՆԻ «ՕՏԱՐ ԼԵԶՈՒՆԵՐ» ՈՒՍՈՒՄՆԱԿԱՆ ԲՆԱԳԱՎԱՌԻ ԵՐՐՈՐԴ  
ՕՏԱՐ ԼԵԶՎԻ ԱՌԱՐԿԱՅԱԿԱՆ ԾՐԱԳԻՐԸ («ՖՐԱՆՍԵՐԵՆ»)  
ՀԱՍՏԱՏԵԼՈՒ ՄԱՍԻՆ

Ղեկավարվելով «Հանրակրթության մասին» օրենքի 30-րդ հոդվածի 1-ին մասի 1-ին կետով՝

ՀՐԱՄԱՅՈՒՄ ԵՄ

- Հանրակրթական ուսումնական հաստատությունների 8-րդ ղասարանի «Օտար լեզուներ» ուսումնական բնագավառի երրորդ օտար լեզվի առարկայական ծրագիրը («Ֆրանսերեն»)՝ համաձայն հավելվածի:
- Սույն հրամանն ուժի մեջ է մտնում պաշտոնական հրապարակմանը հաջորդող օրվանից:

9/14/2023

ԺԱՆՆԱ ԱՆԴՐԵԱՍՅԱՆ

ՆԱԽԱՐԱՐ՝

Signed by: ANDREASYAN ZHANNA 6402810



Հավելված  
ՀՀ կրթության, գիտության,  
մշակույթի և սպորտի նախարարի  
2023 թվականի սեպտեմբերի 14-ի  
N 1833-Ա/2 հրամանի

## **ԵՐՐՈՐԴ ՕՏԱՐ ԼԵԶԿԻ ԱՌԱՐԿԱՅԱԿԱՆ ԾՐԱԳԻՐ**

### **ՖՐԱՆՍԵՐԵՆ**

### **8-ՐԴ ԴԱՍԱՐԱՆ**

**(շաբաթական 1,5-2 ժամ)**

#### ***Նախաբան***

Երրորդ օտար լեզվի չափորոշիչի և ծրագրի մշակման համար հիմք են հանդիսացել Հանրակրթության պետական նոր չափորոշիչի (ՀՊՉ) և «Օտար լեզուներ» ուսումնական բնագավառի չափորոշիչն ու ծրագրերը:

Երրորդ օտար լեզվի ուսուցման նպատակներն են՝ Լեզուների իմացության եվրոպական շրջանակի (ԼԻԵՇ) **A1** և **A2** մակարդակներին համապատասխան հաղորդակցվելու հմտությունների զարգացումը, այլ մշակույթների ճանաչումը, սովորողների մտահորիզոնի ընդլայնումը, նրանց տրամաբանական, ստեղծագործական և քննադատական մտածողության զարգացումը:

Ուսուցման և ուսումնառության բովանդակության հիմքում ընկած են մի քանի կարևոր դրույթներ, մասնավորապես՝

1. օտար լեզուն առաջնայնորեն հաղորդակցության միջոց է,
2. օտար լեզուն ուսումնառության և ճանաչողական կարողությունների զարգացման միջոց է,
3. օտար լեզվով հաղորդակցումը աշխարհճանաչման, ինքնաճանաչման և այլ մշակույթների ճանաչման հիմնական միջոցն է:

Երրորդ օտար լեզվի ուսուցումը սկսվում է 5-րդ դասարանից Նախաայբբենական շրջանով: Նախաայբբենական շրջանը կառուցվում է բանավոր խոսքի հիման վրա: Բանավոր դասընթացը կարող է ուղեկցվել այբուբենի տառերի պատկերների ծանոթացմամբ:

Նախաայբբենական շրջանը կարող է ներառել բանավոր խոսքի ձևավորմանը նպաստող կարճ երկխոսություններ, բանաստեղծություններ, երգեր, խաղեր, պատառներ, համապատասխան տեսալսողական միջոցներ և այլն:

Այս փուլի հիմնական նպատակը հետաքրքրությունների ձևավորելն է երրորդ օտար լեզվի ուսումնառության նկատմամբ: Այդ տարիքի սովորողներն արդեն ունեն որոշակի հաղորդակցական հմտություններ, որոնք թույլ են տալիս շփվել միմյանց հետ նոր օտար լեզվով: Բանավոր դասընթացին հաջորդում է հիմնական մասը: Ելնելով թեմատիկայի և այն ուսումնասիրելու համար անհրաժեշտ լեզվանյութի փոխկապվածությունից և փոխալսմանավորումից՝ թեմատիկ շրջանակն ընտրվել է հաշվի առնելով Լեզուների իմացության եվրոպական շրջանակի (ԼԻԵՇ) **A1** և **A2** մակարդակների համար նախատեսված թեմատիկան և Հանրակրթության պետական նոր չափորոշչով հիմնական դպրոցի կրթական աստիճանի համար սահմանված վերջնարդյունքները:

Սույն ծրագիրը նախատեսված է հանրակրթական դպրոցների կողմից ընտրված երրորդ օտար լեզվի (գերմաներեն, անգլերեն, ֆրանսերեն) ուսուցման համար: Այլ լեզու ընտրելու դեպքում հիմք են հանդիսանում ծրագրում նշված թեմատիկան, նպատակներն ու վերջարդյունքները, որոնք կարող են տեղայնացվել՝ կիրառելով համապատասխան քերականություն և բառապաշար:

Վերջանարդյունքներին հասնելու համար ուսումնական նյութերի ընտրությունը թողնվում է ուսուցչին. դրանք կարող են լինել ինչպես գործող դասագրքերը, այնպես էլ **A1** և **A2** մակարդակներին համապատասխան այլ ձեռնարկները և առցանց տարբեր նյութեր:

Ծրագրում ներկայացված միջառարկայական կապեր բաժնում նշված տարբեր առարկաներից ուսուցիչը ընտրում է այն առարկան, որն առավելագույնս խաչվում է օրվա դասի թեմայի հետ:

## Երրորդ օտար լեզվի ուսուցման նպատակները

Հիմնական դպրոցում երրորդ օտար լեզվի ուսուցման նպատակն է՝

1. ԼԻԵՇ-ի **A1**, **A2** մակարդակներին համապատասխան հաղորդակցական կարողությունների զարգացումը,

2. կրթական տվյալ մակարդակին, թեմային և հաղորդակցական իրադրությանը համապատասխան լեզվական գիտելիքի (բառապաշար, քերականություն, ուղղագրություն, արտասանություն) զարգացումը,

3. սովորողների մոտ այլ լեզուների և մշակույթների հանդեպ հետաքրքրության սերմանումը:

## **Երրորդ օտար լեզվի ուսուցման վերջնարդյունքները.**

### **Հաղորդակցություն**

1. Լսել և հասկանալ իրեն ծանոթ առօրյա թեմաներով հնչող պարզ, հստակ և դանդաղ խոսքը:
2. Կարդալ և հասկանալ իրեն ծանոթ առօրյա թեմաներով պարզ տեքստի հաղորդած տեղեկությունները և հիմնական բովանդակությունը:
3. Համառոտ նկարագրել իրեն, իր շրջապատը, իր առօրյան:
4. Շարադրել պարզ համառոտ տեքստ իր, իր շրջապատի, առօրյայի մասին:
5. Սկսել երկխոսություն իրեն ծանոթ թեմայով՝ արձագանքելով իրեն ուղղված հարցերին: Արտահայտել համաձայնություն կամ անհամաձայնություն՝ տալով պարզ պատասխաններ կամ խնդրելով հստակեցումներ:
6. Կիրառել տվյալ մակարդակին, թեմային և հաղորդակցական իրադրությանը համապատասխան լեզվական գիտելիք (քերականություն, բառապաշար):

### **1. Մշակութային վերջնարդյունքներ**

#### **Արժեքներ**

1. Ճանաչել համաշխարհային մշակութային բազմազանությունը, ժառանգությունը և արժեքները:
2. Գիտակցել բազմալեզու կրթության դերը՝ որպես գլոբալ աշխատաշուկայում հաջողության գրավական:
3. Կարևորել համակեցության նախապայման հանդիսացող արժեքները (ընկերասիրություն, հարգանք, մարդու իրավունքներ, ժողովրդավարություն և այլն):

## **Վերաբերմունք**

1. Ցուցաբերել հարգալից, հոգատար և պատասխանատու վերաբերմունք այլ ազգությունների, նրանց մշակույթների նկատմամբ:

2. Ցուցաբերել հետաքրքրություն այլ երկրների և մշակույթների ճանաչման նկատմամբ:

## **Նորմեր, կանոններ**

1. Իմանալ լեզվակիր երկրի մշակութային առանձնահատկությունները:

2. Ճանաչել մշակույթով/ժամանակով պայմանավորված կենցաղի մի շարք նորմեր (հագուստ, սնունդ և այլն):

3. Ճանաչել ուսումնասիրվող լեզվով հաղորդակցության նորմերը և պահպանել դրանք այդ լեզվով հաղորդակցվելիս:

## **Չետաքրքրություններ/Նախասիրություններ**

1. Դրսևորել հետաքրքրություն ուսումնասիրվող լեզվի երկրների մշակութային արժեքների հանդեպ:

2. Ճանաչել ուսումնասիրվող լեզվի երկրի հասակակցի հետաքրքրություններն ու նախասիրությունները:

## **2. Քննական և ստեղծարար միտք**

### **Միտք**

1. Ձևակերպել կապակցված միտք արտահայտող պարզ խոսք:

2. Բերել պարզ հիմնավորումներ:

3. Ընտրել, ստեղծել և կիրառել մտքերն արդյունավետ կերպով ներկայացնող տեսողական միջոցներ:

### **Տրամաբանական կապեր**

1. Դասավորել մտքերը միմյանց հետ փոխկապակցվածությամբ (ընդհանուր/մասնավոր, պատճառ/հետևանք)՝ ճիշտ լեզվական միջոցների կիրառմամբ:

## **Վերլուծություն**

1. Դասակարգել թեմայի շուրջ ստացված տեղեկությունները:
2. Նշել ազգային և համաշխարհային մշակույթների նմանություններն ու տարբերությունները:

## **Առաջընթաց**

1. Արձագանքել ուսուցչի պարզ հրահանգներին:
2. Բերել պարզ հիմնավորումներ, մտքեր և մեկնաբանել դրանք:

1. Ընկերություն
2. Աշխարհի խոհանոցներ
3. Աշխարհի շուրջը
4. Մեդիա եվ լրատվություն

<b>Թեմա 1</b>	
<b>Ընկերություն</b>	
<b>Հինական նպատակը</b>	
<ol style="list-style-type: none"> <li>1. <b>Ընդլայնել և ամրապնդել</b> ընկերությանը վերաբերող թեմատիկ բառապաշարը:</li> <li>2. <b>Ներմուծել</b> թեմային համապատասխան քերականական նյութը:</li> <li>3. <b>Ձևավորել իսկական ընկերությունը գնահատելու վերաբերմունք:</b></li> </ol>	
<b>Վերջնարդյունքներ</b>	
<p><b><u>Գիտելիք:</u> Թեմայի ավարտին աշակերտը պետք է իմանա՝</b></p> <ol style="list-style-type: none"> <li>1. թեմային առնչվող բառապաշարը,</li> <li>2. համապատասխան քերականական նյութը,</li> <li>3. ընկերության հնարավոր տարբեր դրսևորումները (տարեկիցների, սիրելի կենդանիների, ընտանիքի անդամների և այլնի հետ):</li> </ol>	<p><b><u>Լեզվական կարողություններ:</u> Թեմայի ավարտին աշակերտը պետք է կարողանա՝</b></p> <ol style="list-style-type: none"> <li>1. լսել և հասկանալ ընկերություն թեմայով ձայնագրությունների հիմնական բովանդակությունը,</li> <li>2. կարդալ և հասկանալ ընկերություն թեմայով պարզ տեքստերի հիմնական բովանդակությունը,</li> <li>3. ներկայացնել ընկերություն թեմայով պատմվածքի կամ ֆիլմի բովանդակությունը՝ արտահայտելով իր վերաբերմունքը դրա նկատմամբ,</li> <li>4. վարել թղթային կամ էլեկտրոնային նամակագրություն՝ ընկերոջ հետ,</li> <li>5. քննարկել ընկերության տարբեր դրսևորումները՝ արտահայտելով սեփական կարծիքը,</li> <li>6. <b>արժևորել իսկական ընկերության գաղափարը:</b></li> </ol>

<b>Բովանդակություն</b>
<ol style="list-style-type: none"> <li>1. Իսկական ընկերություն</li> <li>2. Ես և իմ ընկերը</li> <li>3. Ընկերությունը սոցիալական ցանցերում</li> </ol>
<b>Առաջարկվող գործունեության ձևեր</b>
<ol style="list-style-type: none"> <li>1. Դերախաղ</li> <li>2. Տեսահոլովակի/ֆիլմի դիտում և քննարկում</li> <li>3. Պատմվածքի ընթերցում և քննարկում</li> <li>4. Նամակներ ընկերոջը</li> <li>5. Հետազոտական նախագիծ՝ «Ընկերությունը սոցցանցերում»</li> </ol>
<b>Միջառարկայական կապեր</b>
<p><b>Գրականություն</b>-Մեկնաբանել ընկերության գաղափարը՝ հիմնվելով անցած գրական ստեղծագործությունների վրա:</p> <p><b>Թվային գրագիտություն</b> -Պատրաստել սահիկաշար «Ընկերությունը անվանի մարդկանց կյանքում»:</p> <p><b>Հասարակագիտություն</b> -Ներկայացնել ընկերությունը որպես համընդհանուր արժեք:</p>

<b>Թեմա 2</b>	
<b>Աշխարհի խոհանոցներ</b>	
<b>Հիմնական նպատակը</b>	
<ol style="list-style-type: none"> <li>1. <b>Ներմուծել և զարգացնել</b> համապատասխան բառապաշարը:</li> <li>2. <b>Ներմուծել և ամրապնդել</b> թեմային համապատասխան քերականական կյուրթը:</li> <li>3. <b>Ձևավորել խոհանոցների բազմազանությունը</b> տվյալ մշակութային համատեքստում ընկալելու և արժևորելու կարողություն:</li> </ol>	
<b>Վերջնարդյունքներ</b>	
<b><u>Գիտելիք:</u> Թեմայի ավարտին աշակերտը պետք է իմանա՝</b>	<b><u>Լեզվական կարողություններ:</u> Թեմայի ավարտին աշակերտը պետք է</b>



1. թեմային առնչվող բառապաշարը,
2. համապատասխան քերականական կյուրթը,
3. իր երկրի խոհանոցի հանրահայտ ուտեստները,
4. իր սիրած ուտեստի բաղադրատոմսը,
5. ուսումնասիրվող լեզվի ճանաչված ճաշատեսակները:

### **Կարողանա՝**

1. լսել և հասկանալ «Աշխարհի խոհանոցներ» թեմայով տեքստի կամ տեսահոլովակի ընդհանուր բովանդակությունը,
2. կարդալ և հասկանալ աշխարհի խոհանոցների վերաբերյալ, պարզ տեքստերի կամ որևէ ճաշատեսակի բաղադրատոմսի, ճաշացանկի հիմնական բովանդակությունը և մանրամասները,
3. ներկայացնել նախընտրած ուտեստի բաղադրատոմսը (բաղկացուցիչ մասերը և պատրաստման եղանակը),
4. երկխոսել իր ընկերոջ հետ՝ համեմատելով աշխարհի խոհանոցները,
5. շարադրել իր ընտանիքի ավանդական և/կամ ուսումնասիրվող երկրի խոհանոցի որևէ հանրահայտ ուտեստի բաղադրատոմսը/պատրաստման եղանակը,
- 6. գնահատել ազգային խոհանոցների՝ որպես ազգային մշակույթի կարևոր տարրի դերը:**

### **Բովանդակություն**

1. Իմ նախընտրած խոհանոցը
2. Ուսումնասիրվող երկրի խոհանոցի հանրահայտ ուտեստը
3. Իմ ընտանիքի ավանդական բաղադրատոմսը

### **Առաջարկվող գործունեության ձևեր**

1. Դերախաղ
2. Պաստառ՝ «Աշխարհի խոհանոցները»
3. Սահիկաշար՝ «Աշխարհի լավագույն ռեստորանները»
4. Աշխարհի խոհանոցների մասին տեսաֆիլմի դիտում և քննարկում
5. Նախագիծ՝ ուտեստի պատրաստման տեսահոլովակի ստեղծում:

### Միջառարկայական կապեր

**Չայոց լեզու**-Ստեղծել տեքստ՝ ներկայացնելով հայկական խոհանոցի նախընտրած ուտեստի բաղադրատոմսը:

**Թվային գրագիտություն** – Պատրաստել տեսանյութ՝ համեմատելով ուսուցանվող օտար լեզուների ազգային խոհանոցները:

**Կենսաբանություն**-Քննարկել սննդակարգի ազդեցությունը մարդու օրգանիզմի վրա:

**Արվեստ** -Ներկայացնել խոհանոցի և արվեստի միջև կապերը:

### Թեմա 3

#### Աշխարհի շուրջը

#### Հիմնական նպատակը

1. **Ներմուծել և ընդլայնել** ճամփորդության թեմային առնչվող բառապաշարը:
2. **Ներմուծել և ամրապնդել** թեմային համապատասխան քերականական կյուրթը:
3. **Չարգացնել վերաբերմունք անձի զարգացման գործում ճամփորդության կարևորության հանդեպ:**

#### Վերջնարդյունքներ

**Գիտելիք: Թեմայի ավարտին աշակերտը պետք է իմանա՝**

1. թեմային առնչվող բառապաշարը,
2. համապատասխան քերականական կյուրթը,
3. իր և ուսումնասիրվող երկրի տեսարժան վայրերը, մեծ քաղաքները, գյուղական համայնքները:

**Լեզվական կարողություններ: Թեմայի ավարտին աշակերտը պետք է կարողանա՝**

1. լսել և հասկանալ «Աշխարհի շուրջը» թեմայով տեսահոլովակների, հեռուստատեսային և ռադիո հաղորդումների հիմնական բովանդակությունը,
2. կարդալ և հասկանալ տարբեր աղբյուրներում աշխարհի տարբեր վայրերի մասին պատմող տեղեկատվական կարճ տեքստերի (ճամփորդական գրքուկներ,

	<p>ուղեցույցներ, հայտարարություններ, գովազդային թռուցիկներ) հիմնական բովանդակությունը,</p> <p>3. նկարագրել իրական կամ վիրտուալ ճամփորդության իր փորձը, տպավորությունները և այլն,</p> <p>4. քննարկում ծավալել իրական կամ վիրտուալ ճամփորդության թեմայով,</p> <p>5. գրել նկարագրական/տեղեկատվական տեքստ՝ ուղևորություն/ճամփորդություն թեմայով,</p> <p><b>6. կարևորել անձի զարգացման գործում ճամփորդելու (իրական և վիրտուալ) դերը:</b></p>
<b>Բովանդակություն</b>	
<ol style="list-style-type: none"> <li>1. Աշխարհի բացահայտում</li> <li>2. Իրական/վիրտուալ ճամփորդություն</li> <li>3. Ճանապարհորդություն դեպի ուսումնասիրվող լեզվի երկիր/երկրներ</li> </ol>	
<b>Առաջարկվող գործունեության ձևեր</b>	
<ol style="list-style-type: none"> <li>1. Դերախաղ</li> <li>2. Սահիկաշար (ՀՀ և ուսումնասիրվող լեզվի երկրի հրաշալիքները, տեսարժան վայրերը, մեծ քաղաքները)</li> <li>3. Աշխարհի շուրջը թեմայով տեսանյութի դիտում և քննարկում</li> <li>4. Նախագիծ՝ ճամփորդության վերաբերյալ:</li> </ol>	
<b>Միջառարկայական կապեր</b>	
<p><b>Թվային գրագիտություն</b> – Պատրաստել վիրտուալ ճանապարհորդության երթուղի:</p> <p><b>Աշխարհագրություն</b> – Ներկայացնել նոր աշխարհամասերը բացահայտած հայտնի ճանապարհորդներին:</p> <p><b>Հայոց լեզու</b> – Շարադրել տեքստ՝ «Ճամփորդություն դեպի նախընտրած երկիր» թեմայով:</p>	

**Թեմա 4**

**Մեդիա եվ լրատվություն**

**Հիմնական նպատակը**

1. **Ներմուծել և ամրապնդել** թեմային համապատասխան բառապաշարը,
2. **Ներմուծել և ընդլայնել** թեմային վերաբերող քերականական նյութը,
3. **Չարգացնել** լրատվության վստահելի աղբյուրներից օգտվելու՝ տեղեկություններ քաղելու կարողություններ,
4. **Ձևավորել մեդիա գրագիտություն, լրատվության աղբյուրների հանդեպ քննական վերաբերմունք:**

**Վերջնարդյունքներ**

**Գիտելիք: Թեմայի ավարտին աշակերտը պետք է իմանա՝**

1. թեմային բնորոշ բառապաշարը
2. համապատասխան քերականական նյութը,
3. վստահելի աղբյուրները ճանաչելու եղանակները,

**Լեզվական կարողություններ: Թեմայի ավարտին աշակերտը պետք է կարողանա՝**

1. լսել և հասկանալ լրատվության տարբեր աղբյուրներով /ռադիո, հեռուստատեսություն, ինտերնետ/ հաղորդվող լրատվության հիմնական իմաստը և որոշ մանրամասներ,
2. կարդալ և հասկանալ լրատվության գրավոր աղբյուրներում/լրագիր, ամսագիր, տեղեկատվական կայքեր և այլն/ ծանոթ թեմաներով պարզ հոդվածները,
3. ներկայացնել իրեն հետաքրքրող թեմաներ,
4. քննարկման ընթացքում ներկայացնել իր համար նախընտրելի մեդիան՝ հիմնավորելով իր ընտրությունը,
5. համառոտ շարադրել օրվա տեղեկատվությունը՝ օգտվելով վստահելի աղբյուրներից,
6. **ձևավորել քննական վերաբերմունք**

լրատվության տարբեր  
աղբյուրներով ստացված  
տեղեկությունների հանդեպ:

### Բովանդակություն

1. Ժամանակակից մեդիա հարթակներ
2. Լրատվության հավաստիություն, մեդիա գրագիտություն
3. Իմ նախընտրած մեդիան

### Առաջարկվող գործունեության ձևեր

1. Դերախաղ
2. Սահիկաշար՝ «Իմ նախընտրած մեդիան»
3. Բանավեճ՝ «Հավաստի լրատվություն»
4. Նախագիծ՝ լրատվության հավաստիության վերաբերյալ հասարակական կարծիքի հարցում

### Միջառարկայական կապեր

**Թվային գրագիտություն և համակարգչային գիտություն** - Ներկայացնել տվյալների պաշտպանության կարևորությունը:

**Հայոց լեզու**- Վերլուծել հայալեզու լրատվամիջոցների հոդվածների վերնագրերը և լեզվական ձևակերպումները:

**Հասարակագիտություն**-Ներկայացնել ժամանակակից աշխարհում մեդիայի և լրատվության կարևորությունը խոսքի ազատության տեսանկյունից:

Դասարան	Թեմաներ	Քերականություն
8-րդ դասարան	<p>Ընկերություն Աշխարհի խոհանոցներ Աշխարհի շուրջը Մեդիա եվ լրատվություն</p>	<p>Les pronoms relatifs composés La concordance des temps La forme passive Les doubles pronoms( je le lui dis) Les pronoms possessifs Les pronoms démonstratifs Les adverbes de manière (<i>en –ment</i>) Le subjonctif présent</p>

## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Հանրակրթության պետական չափորոշիչ, Երևան, 2021թ.
2. Հանրակրթական ընդհանուր ծրագրի «ՕՏԱՐ ԼԵՉՈՒՆԵՐ» բնագավառի 2-12-րդ դասարանների չափորոշիչ և ծրագիր, Երևան, 2021թ.
3. Common European Framework of Reference for Languages: Learning, Teaching, Assessment, Cambridge University Press, Modern Languages Division, Council of Europe, Strasbourg, 2001. Available at <https://rm.coe.int/1680459f97>